

三經同卷

月光童子經

申日兜本經

逝童子經

佛說月光童子經

一名申

四晉三藏法師竺法護譯

毀三

聞如是一時佛遊於王舍城靈烏頂山與大比丘十千人俱聖通無礙悉皆應真漏結以解生死已斷穢質已度慧明獨存菩薩二萬神通聖達都統三世摠攝諸法權慧無方逮佛神德住無所住尔時世尊遊於王舍大城之中廣演道義開化群生天地神祇海靈鬼神帝王臣民三界衆生皆來稽首共稟神化世無佛時邪道興隆猶如冥夜炬燭爲明天地有佛群邪盡歇譬如今出火無復光國中本事外道邪見不蘭迦葉等六師佛以正真之道訓教天下是時六師盡廢不見信奉諸異道等心懷嫉妬謀欲毀佛還望敬事於是

六師召其門徒合衆弟子會於一處共集論議吾等道德高遠名著四海衆儒共宗國主所奉人民男子莫不信仰於十六大國盡世供養吾等如風民應如草靡不稽首吾等足下者令佛出世現道德神化吾等更爲捐棄不見信奉乃令我等飲食不甘坐卧不安出入行步恒懷愁憤心中鬱毒志欲發狂當作何計以毀辱之遂使出國令人不見余乃還復吾供養耳共議此以各相謂言羅閱大城之中有勢強長者國相大臣名爲申日信奉吾等執心不二恒毀佛道以爲虛偽唯有此人勢力威強能助吾等毀辱除之於是六師即從座起將五百弟子到王舍城詣申日家申日見諸師來即下正殿迎爲作禮施好禪机美食畢盥拱手對坐諸師告曰吾等故與大衆俱來造長者欲議一事願垂聽省申日白言唯蒙訓誨願樂受聞六師俱曰吾等此國之師功名勲著羣儒翫首國主致敬大臣

所奉於十六大國獨言隻步長者所知佛出
於世自稱聖智幻術欺巧倒正反說競與吾
等烈聖併智齊威等神迷惑人民國人愚冥
信奉其道疑亂天下沮敗善心更謂吾等無
有道德不見信奉長者勢強帝王所欽國人
服信威震四海天下望風深爲師徒終始重

跋

月光同

二

義記烈勲効傳之來世願爲吾等毀辱除之
令滅不見復吾供養豈不快哉長者啓曰敬
承來告憶昔往日我之愚凡奉佛之故毀辱
諸師從此已來實懷忿恚每欲規罰執事靡
由今被聖教合我本心當以展力効畢命盡
節諸梵志曰吾向共議欲令長者於門鑿作

五丈六尺深坑以炭適半細鐵爲採薄土覆
上設衆飯食以毒著中若火坑不焚毒飯足
害便往請之佛自云三達之智神通無礙照
見未然明禍福之源吉凶之趣實無此分而
但誑惑万姓甯有此智當不受請若無此智
必自受之今欲以此規罰佛申日聞之欣然

大悅讚言善哉誠如大師之所教勑此所謀
深密高妙實爲奇異以此看之何憂不獲轉
如聖教作火坑毒飯嚴以待之余時不蘭迦
葉五百弟子見申日計共謀同歡喜踊躍不
能自勝咸共起住同聲舉手稱讚申日善哉
真是聖明第一弟子申日重啓今自憂之必
自嚴辦比令明日諸師當見長者作禮諸師
各還於是申日勑外嚴駕導從前後便詣佛
所下車却蓋解劍脫履拱手直進稽首足畢
長跪白佛唯然世尊飢渴神化樂仰清風世
事多緣奉敬靡由今故請見稽首稟化佛告
長者明余至心向於如來申日啓曰明日欲

跋

月光同

三

設微食唯願世尊與諸聖衆降德屈神是時
世尊愍其狂愚欲濟脫之默然受請申日內
喜心自念言果如所見禮畢辭退過六師所
諸師迎問爲受請不申日啓言承諸師威力
已受我請果如所罰諸師及五百弟子皆大
歡喜不能自勝諸梵志等並喜並言長者速

還作火坑毒飯嚴以待之申日還家勅外密令中門外掘作火坑毒飯嚴以待之長者有子名曰月光歟年十六天姿挺特儀容端正博通群籍貫綜神摸天文地理靡不照焉高名動世群儒師仰慈愍於世生死之苦降德普濟欲度衆生諫父申日佛爲大聖三界之尊道德清淨言教至真三達之智慈悲喜捨心過慈母當蒙得度更興逆惡希望天福豈不惑哉昔者世尊求道之日坐於道場元吉樹下第六天魔見佛高遠三毒以威穢冥以索慧明獨存神通無上諸天所宗上帝親下萬神侍衛內懷嫉妒心中煩毒念其道成必當勝我飯食不甘伎樂不御即昇正殿博問群臣議設方計毀敗其道群臣啓曰菩薩神聖神力無上威震三界德服十方非是臣等所可向謀於是魔王赫威奮發震曜天地召其鬼兵興軍聚衆帶甲億万旌旗晝日光曜蔽天宣勑士衆皆使變化奇形異類數百千

種虫頭人軀鬼魅可畏擔山負石眼目吐火園遶菩薩齊聲踴地牛吼唱叫震動八荒山崩地列樹木摧折海水波蕩涌沸六源溢流浩汗高波滔天百姓驚怖巢木栖山潛龍委踊蟬鳥驚翔師子懼竄金翅鳥亡摩竭大魚順流低仰群臣怖悸逃走避藏千變万化群凶相將毒氣逆類弥漫縱橫一時集惡向於世尊佛直以慈心布施之力舉手指之群惡鬼兵自然退散魔王失利前摸獲地群惡鬼兵一時躡地齊心手願自歸佛當于余時如來應時即便降伏弥天之惡以爲弟子雖獲得勝無有喜想以是方之火坑毒飯何足四月光同

言也湧弥之毒大千剝火刀劍矛刃亦不能動佛一毛也今以火坑毒飯欲毀於佛譬如今蟲之勢蜂墜太山蠅蠍之翅欲障日月徒自毀碎不如早悔首過免罪天龍鬼神世間人民梵釋魔王莫不稽顙受佛化者如來之身金剛德體衆惡盡滅万善積著相好光明

神器無喻永除五道之大冥獲無上正真之獨明處衆聖之上猶星中之有月如日初出照於朝陽廣陳道化教世群愚懷慈四等愍傷衆生施恩濟苦心過慈母佛之道德神化如此願父改悔歸命三尊余時長者申日罪蓋所蔽心不開解告子月光假使如來之德

如子所歎佛有神通照見未然當預知我作火坑毒飯今何以故受吾之請以此推之知無遠慮月光復言佛實有三達之智六通三明大慈四等靡不貫綜常度愚惑不逆人意申日心迷執愚不捨明日遣人請佛使者受教輒詣尊所長跪白佛長者申日啓言日時已至飯食已具唯願大衆降德自屈余時世尊心自念言今受申日之請不與常同當放威神感動十方令子心服必就大道廣化無涯普化六師及九十六種道於時世尊放之光明上照三十三天下徹十八地獄極佛境界皆大光明神通菩薩羅漢緣覺梵釋天王

月光同

五

海龍地祇及諸鬼兵各將部黨億萬無數聞度申日皆來詣佛稽首足畢翼從左右佛告諸比丘持應器當就長者申日之請諸比丘咸曰受教肅然嚴持地作金色當佛頂上七步香雲紅黃青紺紫白蓮華自然涌出來道兩邊佛步出門告空無吉祥菩薩六十万人在前導從或行虛空或現於地佛處中央其餘無限之衆皆隨佛後光明赫奕遏日絕月晃照一切天施寶蓋華下如雪天龍飛鳥不敢歷上三界衆生無見頂者天樂皆同時俱作毒虫隱伏吉鳥翔鳴佛不蹈地相輪印成光明煌煌七日熾盛寶樹藥樹諸衆果樹俾倪佢俄低仰如人跪禮之形閼叉金翅鷲鬼魅鬼各將營從莊嚴分部千百爲衆手執伎樂或持香華七寶瓔珞天繒幡蓋十方來會天人亦下樂器亦鳴盲視聾聽瘡言跛行怨憎和慈迷悟醉醒婦女釵釧相襯作聲飛鳥走獸皆作人形百歲枯木自然葉生餓鬼

飽滿地獄安寧琵琶箏笛擊鼓亂鳴佛以神德變化火坑即成七寶紫紺浴池八味正水底有金沙邊有蓮華魚鼈元龜池中喜踊飛鳥走獸音樂相和池邊行列絲竹衣樹樹間皆懸羅縠緹縵珊瑚水精琉璃爲枝葉紫磨黃金爲繩連弦交錯樹間垂天瓔珞互相連結風起吹之轉相摩觸妙音百種自然宣出歎佛神德至未曾有皆說無常苦空非身之聲使悲者更喜喜者更悲其七寶樹上則有群鳥孔雀鸚鵡金翅鳥王赤觜神鳥鳳凰吉鳥拘耆那羅鶲鞞之鳥比數百千光色顯赫群飛樹間哀鸞百種感動人情感來集聽走默息食飛禽止聽形異心同歸命世尊當于余時海靈地祇三界衆生其來會者見火坑變化爲浴池天地震動神變若此道德殊絕皆看申日申日見之心動神驚毛起豎樟惶怖慄精神失守心自念言咄哉迷惑我之逆惡所爲無道願謂六師坐汝畜類沉吾湯

月光

六

秀

夾我今如何六師恐怖慙耻無言懼獲重禍即各逃竄於是申日與子月光夫人殊女眷屬男女外道伴黨俱出迎佛逢覩世尊洪炎暉赫晃若寶山天姿紫金巨容丈六神顏從容諸根寂定相三十二八十種好天中之天道德堂堂十力壯雄天人中王佛以神德照愚冥心申日意解如迷得正狂病瘳除五情內發悲喜交集即使首罪五體投地稽首作禮唯然世尊恕我盲冥不識正真用信惡言興毒害意欲危天尊幸賴慈化乞原罪咎垂哀接濟得免大罪願前就坐即時如來昇于正殿衆會已定申日慄怖心不自安前白佛言爲盲冥所誤信妖邪之言以爲真諦如狂服藥病更益劇始今覩佛邪病得除所爲無道飯食之中悉皆著毒不可供養以御大聖願待湏臾更嚴食具佛告長者便持飯來不湏臾更設貪姪瞋恚愚癡邪見世之重毒吾無此毒毒已滅盡毒不害我申日下食香徹八

難餓鬼得安食已行水衆會寂然申日退坐
垂泣啞言唯然世尊恕我迷惑敢面逆惡向
於如來自揆罪重當應入地獄湯火痛拷長
夜受苦將脫何由佛爲大慈三界之救愍念
衆生濟於塗炭時不誠我令我罪成得無世
尊不豫知也佛告申日昔定光世尊授我別

跋

月光同

七

時汝却後無數阿僧祇劫當於五濁世中作
佛廣度衆生如我今日當有長者申日火坑
毒飯覩害汝我余時得慧明三昧時已豫
知汝姓字況於昨日而當不知申日歡喜世
尊乃豫知無數劫事我既覺寤會得免罪今
我盡心自歸於佛所爲之非願令重罪而得
微輕佛本有誓不捨恩惑即告申日善哉長
者能自覺悔重罪畢除吾當爲汝廣說道義
令汝心解對曰唯然天中天願樂欲聞異死
善道盡心不忘即時世尊譽揚洪音出入種
聲演万億音廣說無量法言八解四諦三脫
六度深道法要微妙之行解三界空諸法因

緣造爲罪福觀病選藥如應說法申日情悟
一旦皎然心開疑解結除懼然無想寂然入
定即於坐上逮得不退轉以歡喜踊躍身昇
虛空去地百四十丈從空來下稽首于地鳴
佛足摩佛足長跪自陳今已覺悟從佛得度
欣然歎佛十力雄哉如來神力震伏十方無
敵當者火坑毒飯豫自消亡佛無憂哉一切
刀劍所不害傷劍戟刀刃皆化作華佛勇猛
哉如來皆能降伏邪道九十六種異口同音
皆歎大道佛金剛哉佛若金山晃照一切闇
冥壞敗慧火獨明超度群聖之上德過虛空
辯才不盡開闡明法告于大千伏諸剛強令
使熟成威震三界獨而無侶離諸塵勞淨若
天金雨諸法寶飽滿一切施以無盡七大之
財觀心選藥先壞魔兵如應開法靡不得度
九十六種邪道隱蔽當于申日歎佛法時無
限之衆其來大會皆樂法音得福得度不可
稱計天地震動樂器作聲第七梵王宣聞法

月光

言琵琶磬鼓千種伎樂自然而鳴忉利天帝
華散佛上歎佛聖德至未曾有當此之時莫
不歡喜稽首作禮
佛說月光童子經

平江府崑山縣金真鄉朱天浦西居住奉
佛女弟子陳氏玉姑自身行年五十九歲土月誕生為願
佛門施財奉持朱貴入延慶院刊造月光童子經卷集此功惠專用保祐
現生之內病難消除衆報之重嚴供養者

申日兜本經

宋天竺三藏法師跋陀羅譯

聞如是一時佛在王舍國止鷲山中時國王
邊大臣長吏人民莫不敬重愛教戒者佛教
國王長者吏民皆令不得殺生盜竊犯他人
婦女不得兩舌惡口妄言綺語不得嫉妒煙
貪狐疑當信作善得善作惡得惡己所不欲
莫施於人其有學餘異道不受佛教戒者國
王長者吏民皆不復敬所以不敬者非正道
也教人不以道德身自殺生教人殺生身自
盜人財物教人盜人財物身自犯他人婦女
教人犯他人婦女身自兩舌惡口妄言綺語

教人兩舌惡口妄言綺語身自嫉妒慳貪狐
疑教人嫉妒慳貪狐疑其國中有一囚姓長
者字爲申日財產甚富金銀珍寶無央數申
日事餘道不事佛道不信佛經異道人皆共
嫉妒佛悉會申日共議言佛今爲王及傍臣
長吏人民所敬重而我等獨不爲王及邊臣
長吏人民所敬重佛常自說言知去來現在
之事豫知他人所言心中所念今寧可試知
爲審如佛言不申日言當何以試之餘異道
人教申日作飯請佛持毒藥置飯中掘門裏
地令深五丈以火置中其上薄覆其上令佛
從上來入如佛知去來現在之事者當不受
請受請爲不知去來現在之事也便可穿地
作坑設飯食置毒藥其中申日言諾大佳即
行請佛佛言大善申日便語異道人道人言
人已無所知但當穿地作坑耳申日有一子
字旃羅法年十六通卅宿命學佛道能知去
來現在之事語其父言佛已知餘道所議不

四

月光同

九